



UJEDINJENE NACIJE

Međunarodni rezidualni mehanizam za krivične sudove

Međunarodni rezidualni mehanizam za krivične sudove (Mehanizam) osnovao je Savjet bezbjednosti Ujedinjenih nacija 22. decembra 2010. da nastavi nadležnosti, prava, obaveze i ključne funkcije Međunarodnog krivičnog suda za Ruandu (MKSJ) i Međunarodnog krivičnog suda za bivšu Jugoslaviju (MKSJ) nakon okončanja njihovih mandata.

PODACI O PREDMETU

Trenutno je u bjekstvu osam osoba protiv kojih je MKSR podigao optužnice za učešće u genocidu u Ruandi 1994. godine. Mehanizam ima nadležnost nad sljedećom trojicom optuženih: Augustinom Bizimanom, Félicienom Kabugom i Protaisom Mpiranyom. Vlastima u Ruandi proslijeđeni su predmeti protiv preostalih pet bjegunaca: Fulgencea Kayisheme, Charlesa Sikubwabo, Aloysa Ndimbatija, Ryandikayoa i Phénéasa Munyarugame. Još jedan bjegunac čiji je predmet proslijeđen u Ruandu, Ladislas Ntaganzwa, uhapšen je u Kongu 9. decembra 2015.

MICT-12-22

BJEGUNAC - RYANDIKAYO



Ryandikayo je bio biznismen u sektoru Mubuga, okrug Gishyita, u prefekturi Kibuye, Ruanda, u vrijeme kada su počinjeni zločini navedeni u optužnici.

Godina i mjesto rođenja

Približno 1961., okrug Gishyita, prefektura Kibuye, Ruanda

Optužnica

Važeća optužnica podignuta 8. maja 2012.

Status predmeta

U bjekstvu od 28. novembra 1995.

ISTORIJAT POSTUPKA

OPTUŽNICA

Ryandikayo je pred MKSR-om optužen za genocid, saučesništvo u genocidu, direktno i javno poticanje na vršenje genocida i zločine protiv čovječnosti počinjene u prefekturi Kibuye u Ruandi u periodu od aprila do jula 1994., u vrijeme kada je bio bogat, moćan i uticajan biznismen u sektoru Mubuga, okrug Gishyita, u toj prefekturi.

Prema navodima optužnice, nakon smrti predsjednika Habyarimane, došlo je do velike nesigurnosti u okrugu Gishyita i mnogim drugim okruzima u prefekturi Kibuye. Usljed toga, Tutsiji su pobjegli u različite dijelove područja Bisesero i potražili spas na mjestima koja su smatrana sigurnim, uključujući adventističku crkvu u Murangari i katoličku crkvu u Mubugi. Navodi se da je od 12. do 20. aprila 1994. Ryandikayo zajedno s, između ostalih, pripadnicima *interahamwea*, i drugim naoružanim civilima Hutuima u više navrata napadao ove crkve i ubijao Tutsije koji su tamo potražili utočište. Navodi se da su ti napadači, koji su djelovali u skladu s instrukcijama dobivenim od više pojedinaca, uključujući Ryandikayoa, ubili na hiljade izbjeglica Tutsija u adventističkoj crkvi u Murangari i katoličkoj crkvi u Mubugi, a velikom broju njih nanijeli povrede.

U optužnici se dalje navodi da su od 8. aprila 1994. do 14. maja 1994., Ryandikayo, *interahamwe* i druge paravojne jedinice Hutua, djelujući u skladu s instrukcijama, poticajima i planovima osoba identifikovanih u optužnici, napadali Tutsije koji su



potražili utočište na brdima Bisesera, uključujući na brdu Karurizo u opštini Rwamiko, brdu Gititi, brdu Muyira i brdu Nyiramurego u opštini Gitwa u sektoru Bisesero. Tokom tih napada ubijene su i ranjene na hiljade Tutsija.

Optužnica sadrži sljedeće optužbe:

Jedna tačka za genocid (tačka 1)

Jedna tačka za saučesništvo u genocidu (tačka 2)

Jedna tačka za direktno i javno poticanje na vršenje genocida (tačka 3)

Četiri tačke za zločine protiv čovječnosti

- Ubistvo (tačka 4)
- Istrebljivanje (tačka 5)
- Silovanje (tačka 6)
- Progon (tačka 7)

PROSLJEĐIVANJE PREDMETA U RUANDU

Dana 20. juna 2012., MKSR-ovo Vijeće za prosljeđivanje naložilo je da se predmet protiv Ryandikaya proslijedi vlastima Republike Ruande.

Dana 7. maja 2014, sudija Vagn Joensen, sudija-pojedinač, izdao je nalog za hapšenje i nalog za prebacivanje kojima se od svih država članica UN-a traži da lociraju, uhapsu i predaju Ryandikayoa u nadležnost Državnog javnog tužilaštva Republike Ruande.

U skladu s Rezolucijom Savjeta bezbjednosti 1966 (2010), sve države imaju obavezu da sarađuju s Mehanizmom na lociranju, hapšenju, pritvaranju, predaji i prebacivanju optuženih koji su još u bjekstvu.

Za više informacija, posjetite web stranicu Mehanizma www.irmct.org.

Za medijske upite, pošaljite email na mict-press@un.org.